

翁

山

詩

外

五言律二

送別祺公先生

父老謳歌惜關河節鉞無安危誰可寄出處道同  
孤露冷邊庭草霜啼憲府烏自今公讌罷文采盡  
窮途

七路關山險藩侯清嘯邊翠屏開大漠丹嶂夾高  
天一腋孤裘助三杯劔術傳同心兔絲草歲晚更  
纏綿

滄沱嗚咽水雙淚共東流蒲葦依盤石雲霞媚素

秋千人因老母越禮愧諸侯君獨容在簡圖書慰  
遠遊

拔劍涼風出雌雄俯爾飛靈舍愛子魄光助霸王  
威一日悲歌合平生遊俠非殷勤解相贈憑此報  
恩暉

秋來離別盡知己更情傷感激因屠釣飄零爲稻  
梁園葵猶待日朔鴈已遠霜明歲重開府招尋定  
不忘

愁

養生苦不早四十更情深親在寧言老愁多欲廢  
吟天長迷朔鴈月冷急秋砧淚向他鄉盡將歸更

滿襟

送天生

萬里求知已從君旅鴈門佳期那再得岐路竟何  
言高尚難爲客屠沽易感恩相思若春草處處逐  
王孫

白雲來市井爲母一吹簫馬度關山險帆歸漲海  
遙壺漿漁父與玉珮美人要羨爾南陔去春風蘭  
杜饒

不斷丹青樹終南地絡陰道隨春草長人與白雲  
深麋鹿鳴相召羲皇夢可尋時時望黃鵠一寄歲  
寒心

別田約生

淒淒秋夜月萬古玉關愁雲漢隨天轉霜華逐水流  
高堂懸海嶽絕塞託旃裘又別同懷子驪歌欲  
白頭

慷慨風人度飛文鞍馬邊羽聲悲不止劔擊氣無  
前別緒縈春草離心逐玉鞭河梁頻執手日暮兩  
淒然

君家近漆沮垂釣日多魚湯沐先王舊栝棖孝子  
餘尊人上則先兒生割股奉母童催白髮君父託遺書早晚還  
桑梓蕭然賦樂居

忻口

忻口孤城在橫當晉上遊山包寧武戍河繞秀容  
樓設伏宜天險防邊及早秋太原此門戶諸將莫  
輕裘

軍中

白日消毬獵軍中一事無花驄盤雨雪塞女瀉醅  
酥人向黃雲老春將白草蘇平生王霸略盡與酒  
家胡

贈內

接與旣高潔妻子亦冰清白首堪偕隱青山不用  
名依人愁鴈塞將母憶羊城萬里車同挽明當故  
國行

別倪生

亂離爲客早與爾一浮雲母在身難許年衰道未  
聞離筵臨廣武岐路指橫汾努力還桑梓天南有  
鴈羣

馬陵

俯挹中州盡河山表裏來天懸句注險水劃孟門  
開一笑雄圖失長歌故國回遙從狐突廟直下馬  
陵臺

白髮

白髮羞明鏡青春老異鄉醉過邊艸綠夢怯海天  
長音信乖鴻鴈庭闈傍戰場寒衣誰與授淒絕玉

門霜

冬夜宴趙將軍宅

臙脂邊女豔雨雪地爐紅小隊銀箏合深情玉盞  
通歌長愁落月髮白愧驚鴻明日城西獵還將舞  
袖同

偏頭關作

往議搜河套誰令飛渡頻三關元犄角諸將故逡  
巡市口黃雲滿岢嵐白艸新降羗休弄管流淚有  
征人

席上賦得梅花爲陳正子壽

鴈門長至候春色早驚梅解渴如瓊樹衝寒向玉



杯舞迎流雪態歌倚揆天才橘柚無華實須君羽  
翼來

一夕花光動三春草昧開美人未遲暮羌笛莫徘徊  
徊薊北飛香去江南卻月來枝高難出手留照歲  
寒杯

別錫鬯

日落黃花晚風高白鴈秋三關無鼓角萬里盡旃  
裘歌管年華送文章霸氣收相將遊獵好無奈隔  
雲州

邊思

他鄉瓊樹老故國翠蛾顰最是閨中月能銷塞上

人輕生隨一劍惜別向三春戎馬平生志如何怨  
苦辛

過夷門

侯嬴年七十方報信陵恩意氣繇來重功名非所  
論驅車過梁苑釀酒弔夷門今日屠沽客誰爲公  
子言

魯連臺

一笑無秦帝飄然向澗東誰能排大難不屑計奇  
功古戍三秋鴈高臺萬木風從來天下士只在布  
衣中

荅毛子霞

豈意秋蓬轉重逢在晉陽解憂如玉樹舍垢亦龍  
章烏鵲虛驚月芙蓉不拒霜相看疑夢寐高詠慰  
參商

離亭愁執手嘉會不崇朝假食歌聲苦從軍塞路  
遙文章沉白艸齊力盡秋鵬三奏金笳罷胡驄慘  
不驕

揚州感舊

往日蕪城因君臣總不知頻飛丞相疏不遣靖南  
師薊北天崩後江南穴關時血書三四紙讀罷淚  
如絲

梅花嶺弔史相國墓

往者江南北誰分上相憂自從開四鎮不復問中  
州精爽憑飛將謂高公傑衣冠在古丘梅花春不發碧  
血滿枝頭

通州望海

狼山秋草滿魚海暮雲黃日月相吞吐乾坤自混  
茫乘槎無漢使鞭石有秦皇萬里扶桑客何時返  
故鄉

呈周樂園

平生五嶽遊今上謝公樓樓裏多山水空濛雲氣  
流先生有樓藏  
圖書甚富故鄉在南海夫子有羅浮置我丹

青上芙蓉四百秋

羅浮有四  
百餘峰

泰率雙毛女秦時一丈夫相逢白雲際共結合歡  
孺子亦同妻子鴛鴦玉井俱高堂隔梅嶠歸去爲  
親娛

皎皎白華姿公爲處子師補亡同束皙教我在笙  
詩將母愁無計干人已後時烏啼空自苦日夕白  
門枝

贈文及先丈

往日商山皓相知有子房英雄如女子高尚亦君  
王今代無芝草此翁惟羽觴行年過八十亦足傲  
淮陽

寄姚六

昔向三關去，今從五嶽歸。  
紅顏辭子女，白首見庭闈。  
任俠成何事，遊仙亦覺非。  
歲寒行役苦，將子念無衣。

贈余鴻

歲寒鴈門鴈來及，江南春向爾池塘。  
裏雙雙棲白蘋，高堂在南海，少婦自西秦。  
萬里寧親去，從君一問津。

荅陸冰修

五嶽初求道，高堂兩鬢霜。  
自從居市井，不敢薄詞章。  
翡翠空毛羽，雲霞自混茫。  
夫君一知己，感激未能忘。

爾愛沉香浦蒼茫多夕暉蚌含明月出鵬負碧天  
飛欲訪難移棹臨分重攬衣白沙棲隱處吾自玩  
芳菲

荅鍾廣漢

梁鸞頌高士最愛採芝翁一出安鴻鵠還棲林屋  
東子孫洞庭口耕作上皇風我亦能遺世年年桂  
樹叢

送王汾仲還新安因訪石埭姚明府

白雲歸白嶽道過陵陽峰爲我期仙令何時駕白  
龍愁隨一片月挂在九華余早晚思攜手冶城春  
酒濃

相思似春水一路送漁舟自此臨流別湖名非莫  
愁庭闈君自戀京雒我空遊珍重南陔去崇蘭正  
可求

題龔柴丈園

頻年遠遊去鸞鶴恨無羣采藥難供母逢山便憶  
君平生無素業萬里一浮雲愛爾丘園好徘徊至  
夕曛

清涼山翠滴花藥繞閒居半畝采杉外三春雨雪  
餘人傳高士頌地接遠公廬遲我爲沮溺相將此  
荷鋤

白紵曲



翠幌開春夜瓊樓敞碧天美人似明月飛過彩霞  
邊舉袖當花客揚歌應鳳絃芳心君不見徒爲拾  
珠鈿

望天都峰

縹緲丹臺上軒轅擁二仙玉壺甘露瀉珠蓋彩霞  
懸日月生黃海笙歌滿碧天龍髯攀莫及悵望淚  
潸然

五人墓作

吳風多好劔輕歿自當時以有要離子長爲烈士  
師恩仇無不報市井亦何知慷慨五人者英名復  
在茲

胥口逢梅里諸子

一出太湖口芙蓉萬疊斜飛來天外翠散作鏡中  
霞之子梅谿至相逢漁父家包山有禪客招手入  
寒花

題翁子東洞庭山館

東西兩洞庭吾愛莫釐青往日鷓夷子廻舟此翠  
屏君今胥母住門對太湖扁旦夕懷仙意長歌入  
杳冥

從洞庭還東瞿止

芙蓉青翠裏昨謁洞庭君玉柱開天闕龍威導白  
雲靈書人外讀仙樂夜深聞明共扁舟去還尋鸞

鶴羣

姑蘇秋夕與余丈廣霞坐京兆杜子寓樓

嗟爾姑蘇客蕭然含暮愁相思二舉月獨立五湖  
秋吳俗輕高節秦風急好仇今宵共樽酒感激典  
貂裘

春湖曲

士女春遊早梅花折滿船飛來玄墓雪香散太湖  
天漁父歌明月夷光出紫煙鴛鴦誰似汝長在浣  
紗邊

消夏灣

吳王消夏處玉沼太湖通萬古芙蓉發西施在鏡

中白雲迷故國春草失離宮  
一對鴛鴦鳥時來戲  
碧空

木瀆

潏潏五湖口荷花遠接天  
巴陵通地道林屋隱人  
煙樓閣波濤裏帆檣空翠邊  
名峰七十二爭向鏡  
中妍

范蠡宅作

羨爾浮西子扁舟湖海間  
芙蓉三萬樹種滿洞庭  
山石上留香屨煙中有翠鬟  
狂吟水仙曲驚起一  
雙鷗

自白下至樵李與諸子約遊山陰

最恨秦淮柳長條復短條秋風吹落葉一夜別南  
朝范蠡湖邊客相將蕩畫橈言尋大禹穴直渡浙  
江潮

正氣祠作

元老忠貞竭中朝曆數屯十年荒社稷一夜盡君  
臣野月寒難曙江花慘不春精魂應殺賊莫但作  
星辰

錢塘觀潮

子胥乘白馬天上湧潮來雷破江門出風吹地軸  
迴孤舟凌噴薄長笛引淒哀欲作枚乘賦先揮張  
翰杯

千里江潮勢奔騰禹穴前蛟龍爭水國雷雨戰空  
天長劔中流拔孤帆落日懸誰言天塹險飛渡有  
苻堅

韜光寺樓曉望

朝來憑閣望峰頂大江浮日出天鷄口潮飛解蜃  
樓蒼蒼會稽樹渺渺富春洲不見同懷子相思萬  
壑秋

子陵祠下夜坐

萬里秋雲盡天空只客星光含明月冷影入絳河  
冥雙瀑爲長帶千峰是翠屏臨風一舒嘯冉冉下  
仙靈

釣臺

富春山萬疊雪映釣臺青  
予若桐江月長隨漢客  
星寒猿吟石壁白鷺落沙汀  
漁父頻招手廻舟入  
杳冥

題許劔亭

在謝阜  
羽墓前

一劔君誰許燕中就義人  
剖心懸日月披髮上星辰  
故國浮雲暝荒亭古木春  
嗟予猶隱忍何以報  
三仁

寄桐岑子

雨雪悲年暮山川愛浙東  
平生一明月飛入鏡湖  
中白拂懸天柱清琴響碧空  
期君揚帆至相接有

樵風

禹廟

龍蛇盤禹穴窈窕萬峰連  
玉簡藏何處梅梁失幾年  
雙珪開日月九鼎奠山川  
終古思明德謳歌俎豆前

寄王丈子安

聞君在天目服食黃精花  
玉乳吸陽竇花龕開暮霞  
我憐若耶水新作釣魚槎  
日日芙蓉裏看人出浣紗

登香爐峰

峰在會稽山上有鵲橋

香爐峰萬仞吾度鵲橋來  
明月隨霜簟天河接玉



杯花間禹穴出霞外赤城開長嘯凌滄海仙人安  
在哉

經鑄浦

當年歐冶子此地鑄龍泉一雪君王恥雌雄飛入  
淵雲消天鏡出風起石帆懸誰見登臨客高歌憶  
古賢

耶溪夜遊

楊柳覆長堤芙蓉開欲齊美人化明月飛出浣紗  
溪吹笛鴛鴦起廻舟珠斗低白雲遙送客直至鏡  
湖西

別王于一往雁宕

拂衣西雁蕩濯足大龍湫豈敢爲高尚孤雲無所  
求芙蓉開太白瀑布挂飛樓君有懷仙曲因風寄  
十洲

憶天台有寄

石梁橫碧天上有百重泉昨夢隨明月同君躡紫  
煙聞簫桐柏下拂劒斗牛邊孤雀飛何處回看阻  
雪川

戲贈朱十

君愛耶溪好扁舟去不歸荷花天上落明月鏡中  
飛浣女歌新曲鴛鴦起釣磯鴛鴦不可得弄水濕  
羅衣

奉題方爾止戊申年正月初四日恭謁孝陵

感懷詩後

亦有春秋在書王未敢傳可憐正月淚重洒戊申  
年白髮陪宮使青山拂御筵威靈空想像拜手玉  
衣前

題朱朗詣遺集

匹夫能慕義咫尺亦賢豪天地存溝壑風塵惜羽  
毛家臨梅福市門對伍胥濤哀怨平生曲行將續  
楚騷

千金破家產四世受朝恩艸野羞亡命沙場誓喪  
元悲歌留樂府岐路失王孫陰雨空山夕期君入

夢魂

顧云美六十

寂寞松風寢先皇御翰留

君齊懸御書  
松風二字

心飛天壽

月淚盡海棠秋

烈皇崩海  
棠樹下

故國誰高臥斯人更遠

遊亂離過六十知已在滄洲

汝婿忠臣子

大學士瞿公式耜子初生時兩宮  
賜犀帶三歲卽授錦衣衛僉書初

生端水時兩宮犀帶賜三歲羽林兒喪亂孤誰託

艱貞爾獨知遺民今日少珍重鬢如絲

中宿峽

天上猿千樹聲含秋雨哀二禺峰窈窕三峽水滌  
迴帝子吹簫去仙人采竹來夕陽煙翠滿愁見望

夫臺

城中有  
望夫石

過瀧

舟從九淵出勢挾蛟龍強巨崖皆辟易白浪共飛揚忠信豚魚格高深孝子傷生還天地意從此戒垂堂

從大小鷓鴣諸灘上郴州題蓮子精舍

山水頻開闔仙源不可尋水簾飛四壁花雨散雙林猿鳥聲相亂蛟龍氣自深扁舟今已矣漁父最知音

贛州

日落虎頭城風飄龍角聲天威餘細柳地利失陰

平盜賊紛何在英雄凜若生  
襄皇能養士溝壑荷恩榮

義士魂何去沙場一放招黃衣  
歸朔漠碧血滿南朝  
山枕孤城峻江通百粵遙  
天生形勝地空助虎狼驕

風門山

壁立青天上千峰接祝融  
風門人不度石棧馬纔通  
射虎隨蠻俗椎牛會小戎  
平生軍旅事辛苦桂陽東

八尺洪

春來灘水急噴薄萬松間  
風雨時驅石雷霆忽破

山柳深黃鳥亂花落白猿閒漸至蘇耽嶺尋仙擬  
不還

耒陽觀諸葛武侯碑

武侯擒孟獲刻石耒陽川威震華旦日心勞將相  
年三分留正統二表格皇天終古英雄客看碑淚  
泫然

郴江口

驚濤出江口一片雪山飛舟與雷霆鬪人爲魚鼈  
歸偷生慚有劔卒歲嘆無衣歷盡人間險吾今解  
息機

南嶽

峰繞祝融尊湖湘映嶽門香爐雲夢氣瀑布洞庭  
源雨霽分秋色林開見曉暎青蒼一千里望似陣  
雲屯

伊昔洪荒世衡山佐禹功巨靈分一掌明德繼重  
瞳岫嶠懸神碣蓮花落古宮千秋金簡氣龍虎鬱  
無窮

烈氣流珠海真形隱玉壺雲霞相變化日月自虛  
無紫蓋削千仞朱天開一隅飄飄鸞鶴上高揖列  
仙儒

山隨湘水長轉轉向清湘九面芙蓉翠中天紫蓋  
張峰峰朝赤帝樹樹帶衡陽萬古香爐氣氤氳桂



邱旁

嶽廟

肅肅朱陵廟懷柔憶我皇乾坤歸火德日月起南方秩禮遵虞典齋心啓夏王千秋巡狩跡想像關鴻荒

先皇鐘鼓在肅穆百神朝鳳管流清殿霓旌捲碧霄坤輿雖北陷天柱尚南標維嶽司休命無疆錫帝堯

賈太傅故宅

長沙南紀外遷客九疑邊白帝虛前席書生實少年嶽雲高冠日湘水遠連天故宅餘春艸行人重

愴然

題招屈亭

楚人端午日招屈向湘沅河伯空交手巫陽不予  
魂蛟龍侵水屋風雨蔽天門掩泣紛歌舞思君不  
可諉

夜憩江樓

八月瀟湘客三更烏鵲樓天隨珠斗轉雲抱玉盤  
流遠望惟京闕相思若女牛同心梔子苦欲寄隔  
炎洲

浮湘

五年遊五嶽三度下三湘今夕衡陽宿依然風露

涼鐘愁迴雁落歌愛采菱長木葉蕭蕭下如何客  
異鄉

湘水清且淺粼粼白石分青浮南嶽影紅摺暮天  
紋九面芙蓉繞中流蘭杜薰谿邊漁父好竟夕棹  
歌聞

不斷湘江岸青青蘭竹叢淚痕光曉露哀響亂秋  
風嶽與千帆轉天歸一鏡空明朝洞庭上蕭瑟對  
丹楓

水涼朝有氣日出漸成煙林寂鳥多語山深人亦  
田嶽痕青出岼波影綠搖天清絕湖南地浮湘自  
可憐

帆投漁火宿浦口暮煙迷催客蟲聲亂依人鳥影  
齊林穿黃月細花壓碧天低疎磬知何處茅茨隔  
一溪

嶽雲青不斷湘水與之長湘至湘陰盡沿洄殊未  
央鷓鴣催客起斑竹拂船涼山髻時明滅林煙一  
帶蒼

兩日隨蘭槳青青紫蓋峰五峰江倒映水底盡芙  
蓉蒼翠楚天好微茫湖口重洲邊采香艸湘女暮  
相從

水口皆湘浦花陰有嶽門帆低紅樹罨舟小白波  
吞戍鼓傳雙峽漁燈繞一村溪清多漏石月照更

潺湲

青恐峰巒盡紅愁木葉多魚梁爭截水浣女亂穿  
荷雨氣含黃日霞光激素波虛無瑤瑟響悵望是  
湘娥

江至長沙澗湖將嶽麓浮茫茫連五渚隱隱見雙  
洲才子傷卑濕騷人怨早秋熊湘高閣在欲上寫  
離憂

戍亭纖月上吹角斷行舟葭菼風多夕瀟湘水易  
秋天開洞庭口波捲岳陽樓帝子此離別微茫一  
片愁

高高天岳出雨後白雲多望與衡山似愁如秋色

何人家連碧樹禹跡在寒蘿憶訪莓苔字年時鼓棹過

水清魚不少一路有罾塘山映連漪綠日含煙雨黃人爲今屈子地是古中湘蘭芷亦青艸如何獨有芳

石淺水流難舟人苦叫灘水螢當晝亂山鳥及秋寒故國烽煙隔他鄉歲月殘閨中寄霜葉點點淚痕丹

三閭憔悴日自作大招辭萬古哀時命遺聲在本支美人殊未作宗國已頻移誰忍爲漁父煙波任所之

人日衡陽道中

人日雪霏霏孤舟上翠微帆隨南嶽轉鴈背碧湘  
飛知已惟長劔還家復短衣猿聲如送客薄暮更  
依依

南嶽頂觀日

中宵登嶽望閭闔赤霞邊光采頻迎日空濛不見  
天蒼梧龍馭失紫蓋鳳樓遷萬古湘纍淚東皇太  
乙前

拜三閭大夫墓

三閭蟬蛻後玉珮葬湘川披髮重華側揚靈太乙  
前墓田滋杜若宗國委寒煙詞賦開苗裔千秋哀

怨傳

長沙

熊繹開南楚長沙應小星城臨湘水碧苑接嶽山  
青帝子留笙鶴娥皇隔洞庭徘徊秋月夜玉殿見  
流螢

有古玉  
故宮

漢陽除夕和伍子

漢陽江上客寂寞度殘年晞髮無朝日沉身有大  
川獨醒漁父笑同病大夫憐此夕逢除夕清樽涕  
淚邊

漢口

漢口清秋夜雲霞寒亦稀新潮隨月滿落葉帶螢



飛白首難孤往青山欲早歸憑誰報慈母遊子有  
寒衣

湖中有懷

江從湖口濶浩淼浸長沙天外青惟水空中白是  
花亂鴻驚嶽市疎柳落漁家寂寂推蓬坐相思爲  
月華

月出水天分微茫不見雲蘆花千萬里如雪落紛  
紛似我愁心亂風吹不到君更憐洞庭雁棲宿暮  
無羣

出湖作

澧注湘川左湖開滙口西天從南楚盡嶽至洞庭

低波捲青山去雲含白雁嘶二妃時出入風雨冷  
淒淒

向夕從湖汊東浮發棹歌雪將春水滿花與白雲  
多五渚連青嶂三湘間綠莎君山何處是欲往阻  
風波

次沅江作

西從橋口入一水最滌迴自過沅江縣微茫湖欲  
來不知青艸湖名西外可有碧天開月落帆須宿  
津人且莫催

自排山經熊羆嶺至祁陽作

百里藤蘿路陰森萬木中山寒多宿雨葉盡少悲

風嶺嶠千盤入湖湘一綫通楚南香艸地處處見  
蘭叢

自零陵至興安道中

蒼余三百里不盡復楓林一路白雲暗千峰紅葉  
深山空自多響水落亦成吟薄暮停車坐蕭蕭餘  
片心

零陵道中曉行

啼鳥曉紛紛人煙亂白雲江聲雙浦合山色九峰  
分斑竹枝枝淚重瞳處處墳蒼梧秋雨暗咫尺阻  
湘君

試上蒲洲望峰峰列翠屏瀟從湘口合陵是九疑

零柳映長橋綠  
余浮遠岬青暮  
投何處宿燈火  
起官亭

全州道中

五日裕林引三朝  
谷口迷孤村陰雨  
外古道白雲西風  
定分泉響山深少  
鳥啼故鄉不可望  
千里草萋萋

靈渠

開陡船爭上靈渠  
水滿時穿來自秦  
漢流出注湘灘片  
雨添三尺千峰繞  
一絲相思如此水  
南北不相知

靈川道中眺望建陵諸峰

橫斜千萬笋不似一峰峰蒼潤含秋雨巉巖出古  
松孤根爭自立落勢不相從百里煙雲外灘江繞  
幾重

虞山望虞帝祠

雲氣嘗如象盤旋玉殿間匏笙祠二帝銅鼓鎮諸  
蠻地接蒼梧近林多古竹斑千秋騷些客悵望是  
天顏

建陵秋望

日暖翠微濃山包桂水重樓臺懸一笋獨秀峰并邑  
散諸峰蕭殺流東極玄黃戰大冬瘡痍新滿路不  
忍視軍容

野宿荔浦作

夜宿帳房小天寒多野風臥看珠斗落吟使綠尊  
空欲戰愁兵少將歸望路通故鄉憐有母辛苦憶  
軍中

宿平南縣村中作

野宿寒依火高欄在翠微山霞晴已吐水霧濕猶  
飛地廣夷椎少村荒土馬饑無金市牛酒悵望射  
生歸

嶺所居  
曰欄

夜上橫州作

夜分催盪槳乘月上橫州煙霧含漁火星河挂戍  
樓身忘銀甲重手得角弓柔不寐思軍事疎鐘起

渡頭

自五屯所至永安州舟中作

冬木寒逾秀蒼蒼雪霽時風開多柳葉冰壓少松  
枝水積春前氣山添雨後姿新晴人就暖解帶步  
遲遲

落木寒泉路朝煙暮雨人鄉山歸不得母子夢相  
親石亂初無口灘平漸有身篙師愁欲絕此水最  
艱辛

水打村村碓風燒岬岬田鳥聲時出谷雲氣忽沉  
天路盡無煙處人寒欲雪前歲殘無一可兵馬苦  
顛連

天寒生白霧日出見平原  
臥入千峰雪吟隨萬壑  
猿一身家國重七尺死生尊  
安得功成去丘中復  
閉門

葉落知楓樹千林冬不黃  
采晴初出雪梅早已浮  
香事共年華去愁隨春水長  
兼旬未窺鏡白髮恐  
如霜

宿高田

夜久林風息溪聲靜欲無  
流螢知客冷宿鳥似人  
孤拂石難爲臥鳴琴亦自娛  
高樓憐有女此夕聽  
啼鳥

自滑山至駱家道中



平田千石笋一笋一人家  
陰壁全生竹流溪半是  
花山山通乳竇樹樹有漁  
槎匹馬行將晚前村隔  
暮霞

陽朔

城裏奇峰滿人煙在石林  
家家爲虎落戶戶有猿  
吟水脫諸灘淺江通一井  
深客舟紛向驛月出奏  
簫音

生日同諸將郊行作

細蹠花驄出麾幢拂曉雲  
葛巾漢名士毛扇蜀將  
軍節制憑儒術忠誠致大  
勳自矜年四十於道亦  
曾聞

昭江夜行作

江天寒色慘初月不成黃未夕已生霧將春始有  
霜無能酬父老不敢憶家鄉終歲勞軍事徒令白  
髮長

陽朔道中

半天青是石石出輒成峰一路平田上參差間古  
裕人聲喧野水鳥影下寒鐘逕口迎車馬歡然有  
老農

暇日出癸水門眺望

雌雄雙石筍競秀出城中一洞峰峰入千泉樹樹  
通水花紛似霧山響不因風勝日幽探去無人識

玉驄

蒼蒼一片石削出萬峰青  
插水皆浮玉圍天是翠  
屏人隨飛瀑下心與白雲  
冥稍待磨麈入巖屏雨  
不局

風洞寺晚眺

水冷多秋雨山寒少暮霞  
餘霜猶在葉初雪未成  
花寺與飛崖落城隨疊嶂  
斜寂寥無物慮相伴有  
林鴉

一洞穿山背逶迤不可尋  
交垂千尺乳亂落百泉  
音黃葉靜方脫碧潭寒  
更深暮風吹浙瀝猿鳥亦  
驚心

歲暮客建陵作

歲寒何所有一片白頭霜共是無衣客偏知此夜  
長數奇慚部曲金盡失肝腸豈必成功業歸來策  
亦良

一壁橫天盡千峰壓水斜飛樓在喬木倒影滿平  
沙葉落偏驚客鶯啼正憶家紛紛簾幙外風雪自  
成花

朔雪初兼雨南風已合水窮陰千里積殺氣一冬  
凝水凍難張罟天寒可放鷹梅花何處有采采興  
堪乘

冰雪融將盡春人已裕衣魚吹新水出鳥拂落花

飛驛路楓林引人家石壁圍羔裘持易酒日暮醉  
忘歸

謂別查韜荒

海嶽多精液生君俊異才文從六經出學自二人  
來白首天猶困狂歌日已哀艱難相羽翼歲晏且  
樽壘

汝昨雲南去昆明涉倒流滇王驚大筆漢將贈輕

裘兵法兒曾學權書父所留

尊人虬成先生著有  
權書三卷皆言兵事

莫徒工草檄廝養已封侯

膏物吳江足文禽越嶠多羽毛君不妬音響自相  
和海氣朝成市潮田暮湧波亦知奇道否鬱水接

牂狗

莞香多血結端研有花痕相贈無餘物相知祇一  
言才高偏下俗氣俠不慙恩沉酒誰能似生涯在  
綠樽

去踏梅花嶺斑駁似陸郎無才除左纛不敢問金  
裝贛石諸灘險潯江九派長舟中如有作一一記  
炎方

山枝工蜜漬水熟解蘭薰歸贈樓中婦香應日夕  
聞書從閨閣著情以友朋分時作熊經好遵生貴  
在勤

彈箏織手子送爾曲難終斫鱸鱠魚白調羹苴蔻

紅道成方好色才在不知窮金石期相保千秋業  
在躬

越草多靈藥蠻花半大丹神仙寧有種服食不曾  
難葛令遺書古浮丘靜夜寒留君偏未得涕淚落  
江干

豈敢多求友交君已不孤讒言從貝錦清鑒自冰  
壺菡萏雙峰出雲霞一氣敷詠來不離別有道在  
虛無

贈呂化州

復闡先公道爲邦孝友餘世爲臣子鵠人讀使君  
書德感金芝艸恩隨白鹿車我懷陰雨好欲向化

州居

尊人太傅公諱維禎以理學爲河維人士師常箋註孝經感孝芝之瑞後劾難新安

太傅忠誠在平生一孝經先朝安社稷後裔重朝廷爲政勞州牧書名冠御屏拂衣歸莫早公輔待儀型

尚書誰特筆忠冠烈皇朝我有春秋志公爲列傳標剖心遺令子披髮逐神堯討賊文章在書生未寂寥

經年苦行役車向石龍廻化州名爲石龍城有微言在頻趨太守來三川家學大兩世道宗開往日芝泉院還期闢艸萊

有憶



卷之四  
天  
裙爲留仙縹香緣卻成熏無情飛入月有夢去爲  
雲義甲姬人得遺書弟子分當時嬌玉步髣髴  
聲聞

命子

淵明初命子安石始教兒白髮慚閨閣青雲望羽  
儀新篁開雨葉乳燕拂晴絲感念先公德皇天或  
我私

趙尉臺下作

趙尉臺前艸空餘狐兔驕三年屯朔騎一月作南  
朝牛黍秋初熟蟬枝晚未凋自憐英霸器寂寞在  
東樵

讀陳巖野先生政要

往日陳都諫謀猷信有餘  
初聞哀痛詔卽上治安  
書丞相勞相嫉君王嘆  
不如可憐捐七尺地下奉  
鑿輿

讀陳勝傳

閩左稱雄日漁陽適戍人王侯寧有種  
竿木足亡秦大義呼豪傑先聲仗鬼神  
驅除功第一漢將可誰倫

秋郊燕集作

披髮空行乞淒涼去國身龍蛇無四海  
日月在孤臣淚洒秋江滿愁隨白草新  
相逢聊取醉莫作別

離人

春日喜從弟無極至東莞賦贈

我學老萊子婆娑膝下時  
弄雛殊未已采藥更何  
之汝自主峰曲來尋莞水  
涓林中無所有祇贈白  
華枝

與子傳家學離騷廿五篇  
楚人元善怨漁父豈爲  
仙以道娛萱草於春返藥  
田紫荆花一樹知爲弟  
兄妍

贈郭臯旭

之子當湖彥風流亦可宗  
豪雄似翁伯博雅比弘  
農來作花田樂歸期錦石  
封大才應晚達冠劍且

雍容

雙瞳猶點漆五十學書年老覺黃金貴愁令彩筆  
妍浮家因范蠡破產爲韓嫣攜手高涼路相將詠

甫田

少小持胎素行將服海霞心珠同皎月意蕊卽丹  
砂合浦探鮫室羅浮御鳳車羅浮大嶼多情如陸  
賈愛殺素馨花

鷓鴣元越客茉莉是蠻花南翥聊同妾西飛莫憶  
家蚌生珠子樹龍織海人紗自可成豪富無令金

谷誇

新納  
粵姬

漲海精華盛真人沐浴多命須紅粉續吟奈白頭

何素女師宜早清琴曲貴和鳳毛行冉冉宜子是  
交娥

我似青黃橘須君羽翼來蝶生元鳳子螺長卽珠  
胎瘴海多珍物炎天少異才無人知寶惜零落委  
蒿萊

知音君最善不負此朱絃鸞羽吾方鍛蛾眉世不  
憐雲爐名吸丹氣玉液漱飛泉虎豹姿如此那堪  
便學仙

與君結交早不忘久要言道以文章重情將骨肉  
敦天心歸艸芥世事在丘園何以蠲憂疾蘭房更  
樹萱

贈譚天水

譚子丹青妙尤工寫必妃凌波紈扇出拾羽玉屏  
飛昔誦陳王賦嘗嗟明色希茲焉圖畫裏日日對  
容輝

爾得驚鸞勢飛毫作隸書風雲起纖指妖冶把輕  
裾魯酒花相映齊紈雪不如興酣追草聖日與世  
情疎

寄李將軍

三翼雄蒼兕將軍有戰船憑陵南海郡訓練九真  
天白馬封侯晚黃龍負帝先伏波原大器一挫莫  
頽然

浮丘

聞與羅浮嶽朱明一洞通石牀流水上丹竈落花  
中時有大蝴蝶來從四百峰慚予學仙久羽化未  
凌空

鄭子畫白鷗送予賦以答之

之子贈將歸丹青世所希以予爲海客故寫白鷗  
飛毛羽亦知惜稻梁安可依滄洲自今別相憶寄  
芳菲

二石樓下有懷

天邊二石樓水簾不上鈎玉女牕如月白雲開向  
秋悠悠紫芝唱處處羽觴流不見王孫返猿聲萬

豁愁

寄陸太守

今代憐才者當湖子大夫以予騷聖後狂簡一時  
無獎借多詩筆追隨許酒壚報恩慚海客慷慨泣  
明珠

謝公爲郡日數上會稽山坐嘯君無事丹霞袖亦  
往還文章奮禪藻氛稜息臺關一道飛泉水無生  
說未聞

別稚女

膝下方嬌小非男亦勝無可憐頻失乳未得復將  
雛一月行邊上始生一月三齡向海隅至家時黃



泉有慈母念爾淚如珠

自失餽糜婦家中日益貧東門如復出黃口託何  
人況此桑榆日尤須菽水身此行惟數月卽返莞  
江濱

悔不

悔不從鄉歿歡娛向夜臺空閨形影在白日夢魂  
來夕鳥驚風葉秋蟲泣露苔人問今已矣何處是  
蓬萊

舍弟刈稻贈以詩

今年風雨好汝稼滿堂陰十畝妻孥力千秋沮溺  
心自茲有雞黍可以弄書琴求祿胡爲者高堂白

髮侵

蘭陔卽事

當軒皆古木，遶屋是寒塘。  
石笋穿雲亂，花鬚拂水長。  
雖然多菡萏，尚未足鴛鴦。  
小妓挈舟至，風吹珠翠香。

夜宴多銀燭，春眠少象牀。  
近愁碧玉女，不嫁汝南王。  
白馬穿花去，黃鶯入柳藏。  
可能端午日，來唱荔枝香。

花裏藏丘壑，幽深人不知。  
水光連碧甲，山勢接黃旗。  
袖欲雨雲生，石方晴月滿。  
枝小童呼孔雀，雙

影暮歸遲

行行花路斷橋接水中亭山色含煙綠天光入鏡  
青黃公采芝詠范蠡養魚經父子多高逸朋來亦  
客星

楊柳秋含蕊芙蓉暮斂花林聲全似雨海氣半成  
霞鳥宿煙村寂人歸石路斜月明思一醉隨意向  
漁家

送陳明敬遊吳因訪秀州諸子

之子三吳去爲予過秀州故人盡高臥空谷可相  
求梅里山多雪鴛鴦湖水易秋幾宵魂夢好隨爾木  
蘭舟

故人如有問新任珊瑚洲西望江連海東觀羅與

浮家貧少生計人靜多春愁知已日零落相思空  
秀州

奉贈高士周以濂先生

白髮垂霜雪端居嶽麓峯客星光隱現王命論從  
容薇蕨留饑鳳風雲待伏龍天人多秘策授我定  
堯封

贈卜者陳生

往日松山戰而翁諱出漢家主恩酬馬革臣節著  
龍沙令子悲流落炎天度歲華將軍餘碧血滴滴  
在金笳

寄龔柴丈

我友惟龔勝曾同辟穀來人間無不可鸞鶴莫相  
催待奉白頭母兼之浮嶠梅遙遙向江左共住清  
涼臺

喜陳元孝舉第三子

四十慚華髮懷中一子無爲君頻緩帶

元孝新清廟琳瑯器沙場汗血駒

生云一人

先公忠可憫天意在諸孤

合瀾洲

合瀾洲上望蜃氣雨中多潮起三門海風翻十丈  
波鹽田朝放水沙潭晚收禾魚米茲焉賤時時鼓  
棹過

端州感懷

地扼東西粵中丞作鎮雄崧臺曾駐輦錦石有行  
宮兩載偏安業孤臣再造功可憐天運去倉卒六  
軍空

蒼梧西咫尺終古哭重華水接牯牯濶雲開石室  
斜天孫頻此夕時閏七夕帝子久無家不分浮生苦飄  
零信海槎

七星巖

玲瓏數巖穴明滅一煙霞石乳凝爲石花光散作  
花莓苔多綠字蝙蝠是丹砂散帶尋仙迹行行磴  
道斜

入新興江路

一水灣環好揚帆入萬峯灘聲驅亂石山影落寒  
松青草餘春瘴疎花隱暮鐘大風頻拔木知是澗  
中龍

太平驛

樹裏空城在藤蘿暗女墻野燿連水白樵火滿山  
香已產蠻夷地還投瘴癘鄉僕夫頻見笑衣食失  
清狂

次觀珠塘同郭子作

榕陰行不盡夾路鷓鴣啼樹樹包青嶂山山出一  
溪虎過風葉亂蟬立露枝低于役雖云苦林泉得

共攜

黃泥灣道中

樹樹藤蘿掛峯峯，洞穴通人家。依石壁，客棹轉花  
宮。竹密愁無路，松多嘯有風。雞聲莫唱早鄉夢，正  
禹東

陽春道中

羣松圍石筍，一水蔽巖扉。蒼翠含秋色，陰森散夕  
霏。采菱人未罷，食稻蠡初肥。百里雲峯路，愁中望  
欲微

孤舟行不得，最恨鷓鴣聲。峽暗三秋雨，林開一日  
晴。相思生白髮，獨往憶青城。不有神仙術，那消婉



變情

朝穿魑魅影暮入虎狼羣  
林木陰多慘煙嵐毒更  
薰野人毛布與樵女  
蜜房分喜向空山  
曲茅茨宿  
白雲

芙蓉愁少水烏鵲恨無枝  
草野原吾分皇天不我  
私鮑焦垂槁日桑戶返  
眞時所恨無甘旨歸爲老  
母怡

東安舟中

秋水流何急魚梁欲上難  
風雷爭一石煙雨失諸  
灘渡口鳴蟬亂人家  
落木寒青山千萬轉  
不得見  
東安

福祿咫尺邊界停車悵望有作

水族隨潮至居人捕鱗多客愁消七筋鄉夢畏關  
河樹作長邊界風鳴小港波蕭蕭一茅宇雙淚滴  
蠻歌

萬里干戈路間關真可憐心從天北死眼向日南  
穿楊僕樓船在唐蒙築畧傳牂牁春水漲直至石  
門邊

未夕茅茨宿臨溪置一牀海鮮沙白美山果木威  
香婦子朝成市牛羊晚入莊風前一偃臥亦足傲  
義皇

雨急不成瀑林高知有山撥花尋逕口攀竹上天

鬪兒女穿黎錦生涯鬻白鷗晚來飛驛馬投宿有  
歡顏

狼水惟蓬遠徭山是白梅妻孥多射獵虎豹少蒿  
萊風俗歌村好煙光伏崗開亂峯盤鳥道行客意  
遲迴

石城旅店

絲來烏鵲好絕勝鳳皇飛野艸偏多艷含花露不  
晞與姑炊午黍爲客組春衣皎皎茅茨月良人樵  
采歸

送黃生扶其父麗農隱君櫬還吳興

汝父先朝露人悲失首丘伯鸞頻客歿梅福早仙

遊返葬關河杏招魂弟子愁艱難扶櫬去嗟爾孝  
無儔

亦有要離墓無如傍哲兄

龐農遺命葬其兄墓次

沒猶敦孝

友生不愛功名白雪才難盡黃花節已成瓜田今  
罷灌茗水爲誰清

白首遺民少青山故國非誰憐溝壑裏盡是芰荷  
衣逆旅燠多冷浮生露易晞孤兒憐爾苦匍匐墓  
田歸

白華天性好黃石父書存詎改三年道難忘五世  
恩劍虹浮白日兵氣結黃昏年少多輕俠須將詩  
禮敦

臨風盡一哭淚洒越江濱  
白首少知已黃泉多故人  
引棺愁道遠磨鏡苦家貧  
何日杼山上來披宿艸春

送凌子還舊京

送君蘭棹發歸問秣陵春  
龍虎三山地煙花六代人  
林園連大內眺望及佳辰  
我有舊京憶臺城待結鄰

王蒙嘗覽鏡李固日搔頭  
遂使青蛾客爭持紫綺裘  
三年團扇貴一片練裙愁  
我亦憐書聖時從池上遊

賦詩矜絕艷騷雅變新聲  
以我多香艸相投有紫

瓊鳳皇高不下桂樹晚方榮自古稱才彥都於出處明

荔子蠲愁物檳榔洗瘴丹令君發玉齒有女捧冰盤鬢影花煙濕琴聲濕雪寒生憎湖上柳不爲繫征鞍

梁鴻元烈士吳市幾人知七尺無溝壑雙棲失綰綦芙蓉懷麗日翡翠慕瓊枝天性多哀怨勞君比楚辭

蕭蕭天北風吹亂客心蓬明日御溝裏水流不可同莫忘貧賤好頻使夢魂通與子相爲命蟾蜍在月中

虎踞關前客

鷓鴣雞鳴寺裏人

楊大

君歸持桂酒自

可得綸巾道在農桑日天留艸莽身平生求友意

見爾必情親

託命在薇蕨予生日以微故人那可別浮世已無  
歸漲海波含淚岐亭酒滿衣異時車笠誼相望在  
燕畿

答陸子餽藥

哀樂銷人盡中年貴遺情無才營服食多病愧平  
生月冷含霜氣風悲帶鴈聲感君頻餽藥高舉覺  
身輕

偶憶北邊舊遊有作

往日邊頭獵飛揚共細君名鷹奮金距駿馬馳浮  
雲白艸春猶見黃河凍不聞無心盡狐兔畱箭立  
奇勳

嘔夷河畔宿雨雪疲圍寒絕塞襟玄獄長城跨紇  
千行吹蘆葉管隊擁橐駝鞍意氣歸兒女宵深酒  
未闌

酌酒鴟兒墓英雄今已非人閒消汗血世亂失戎  
衣戰氣橫雲朔邊愁滿夕暉向來雄割據精爽去  
何歸

麋酒寒難醉駝鞍暖易眠呼鷹來口外敗馬向關  
前艸帶霜花白冰含日色妍流螢當畫出慘澹戰



塲邊

春遊懷柘暉夜怨拂檀槽遠嫁悲黃鵠單棲笑伯  
勞邊霜沾襪濕海月入樓高一日成黃土餘香在  
楚騷

大蝴蝶

二月大蝴蝶家家出繭來仙衣成鳳子光采似花  
開芍藥人爭餵麻姑使莫催養成三尺翅騎汝入  
蓬萊

夢鍾廣漢

爾尚爲人子未應蘭玉凋著書方屬艸求食正吹  
簫魂夢頻來往精靈未寂寥死生元不隔一片月

橫霄

爲高子壽母

之子高堂在行年八十春少敦黃鵠節老倚白華  
身養志惟高隱垂名在食貧吾親有慈命將與孟  
家鄰

雷女

雷女工締綌家家買葛絲贈夫多越布用徐叔事生子  
是珠兒玳瑁裝眉掠理賸檳榔代口脂蠻中妖豔  
質半在海洋湄

送人還攜李

我自三雲塞來歸百粵城故人離別盡邊地姓名

輕孔雀自相妬梅花無此情如君是知已應解識  
生平

我欲金陵任時從秀水遊命須高士託才爲大邦  
留梅福宜吳市交公必沃洲

謂岑公

君歸語交好相

待舊林丘

衛大生子

明月生珠牡精華貴在遲晚成爲碩果早發豈瓊  
枝將種知無敵先人德在茲明年小垂手還見夢  
熊羆

送岑金紀之趙

使氣誰相識紛紛俠少場休從句踐博合與仲連

觴日照漳河白天連代草黃邯鄲饒挾瑟知爾樂  
無方

大陸沉秋雨長河走暮雷龍蛇何處蟄日月幾時  
迴鳴咽劉琨嘯悲涼庾信才狗屠應得見燕市重  
徘徊

贈陸舍人

翡翠巢青瑣梧桐拂禁林朝裁紫泥詔夕弄素琴  
音往在當湖曲相思春水淡露華零蔓草邂逅慰  
中心

代人寄夢子

少別成千歲悲歌了不聞老龍猶下土雛鳳已高

雲詞賦微言在經綸艷色分憐才知不淺有淚濕  
羅裙

遙題七盤嶺

棧閣連千里褒斜上七盤白雲通子午紅日近長  
安策馬凌天險悲秋倚將壇何時諸葛出吾見漢  
旌竿

贈繆天自

朝飛野田雉耿介絕無羣白首誰知己青山獨有  
君披裘驚季札請組羨終軍壯志應難就相將入  
海雲

題張二丈山房

窗戶掩雲煙山翁春正眠瓊瓊筆手好燕燕畫心  
玄呼鳥掌中食畱僧花裏禪幾人能白髮珍重采  
芝篇

懷沈武功

勾吳多好友不及爾情深昔見如瓊樹相依若雅  
琴愁生落花處夢繞包山陰吟詠內書罷松風吹  
好音

炎方風氣異秋盡始知秋桐葉方飄戶梅花已滿  
樓故人多秀水之子在中洲白露滋蘭芷應舍八  
詠愁

之子日思我書來天一涯飛歸南海鶴長繞北堂

花母在小天姥妻亡陰麗華人間欲無意禪寂向  
煙霞

家園采菊

東籬花數本歲歲後重陽灌溉慈親力清冷處士  
香摘來添菽水餐去帶冰霜一卷離騷在清修不  
敢忘

陶公有秋菊多贈九華枝最勁先朝本純黃後土  
姿香含霜氣早暖入露光遲我學三閭者餐英亦  
自怡

吊淮陰侯

天奪英雄墜三分勢不成伴狂悲蒯徹變詐恨陳

平雲夢秋風急長淮夜月清可憐伊呂業千載一  
沾纓

經韓侯釣臺

漢王將將術早有蒯通知自是英雄德難忘衣食  
私功高應不賞器滿寶難持森森長淮水當年把  
釣絲

劉項曾懸命侯王已得時英雄天亦忌黃老爾空  
師曠日長淮水繁花漂母祠千秋一灑淚仗劍復  
何之

宿陳生凌寒軒作

今夕茆堂宿不知秋雨寒故人同枕簟清夢滿欄



杆葉落驚山鳥林香識夜蘭愛君詩句好吟到曉  
鐘殘

送何子往桂林

桂林襟五嶺山翠盡成嵐去逐湘江北歸從離水  
南故人待徐孺太守是嵇含巖穴多勾漏行春共  
玉驂

追哭相國陳文忠公

元老按雕戈樓船沸海波千人驅市井一戰列山  
河縣目東門去騎箕北極過還看羽林將餘勇助  
廉頗

倉卒揮烏合全憑朝氣雄鬼神機一泄風雨勢成

空泚水絲天幸祁山屬運終千秋傷化碧血漬尉陀宮

司馬長卿

少年工擊劍壯歲好探書不與鄒枚友那能著子虛  
憐才惟一女好色似三閭晉代諸名士風流總不如

送殘僧

送君歸伏鹿皬高頂結茅茨大道今宜隱青山是我師  
開林通素月引水繞東菑客問無生旨松花折一枝

寄紀伯紫

理山餘一老鳴咽故宮篇禾黍哀何及壺觴興自  
甌江南未歸棹薊北空垂鞭試望秦淮艸茫茫六  
代煙

舊曲清商好新詩正雅多生才天不偶學道欲如  
何萱草蘭房樹桃花寶馬馱多方娛白首世事任  
滄波

江臯

江臯春色好雪盡艷陽來遊女晴初出梅花暖正  
開檳榔爲口實竹葉是愁杯自失吹簫侶無心上  
鳳臺

讀韓孝廉如琰討闖賊檄

書生磨盾鼻一檄似雷驚討賊呼臣子傾家起甲  
兵時危寧愛歿力盡遂捐生一片寒江水懷沙但  
自明

韓殉節  
于水

天下真司命其惟孝與忠春秋先討賊草莽亦興  
戎飛檄驚中夏椎心振上穹無論成與敗得歿是  
英雄

### 家園示弟

念爾方青歲艱貞解自持家貧謀食拙母在許身  
遲春雨犁田後秋風拂劍時當年陳孺子黃老以  
爲師

四鄰喬木少無以庇茅茨風雨此何世饑寒能幾

時甘瓜長抱蒂慈竹更生枝未忍辭貧賤平生道  
在茲

年來深賴汝耕稼養慈親但守茅容學無輕聶政  
身白華開曉露明月照晴春自古成高節多傳市  
井人

山村黃葉滿憐淡帶炊煙老母夜猶績貧農秋未  
田無才甘謝世多病早棲禪辛苦雙鴻鴈銜蘆過  
遠天

贈侯商丘伯

君王思麥飯爵爾列侯中雖抱山河誓猶慚汗馬  
功赤眉方煽亂天水欲爭雄諸將推馮異期君奮

翼同

余子生日贈之

新年紛雨雪梅蕊凍難開此日流鶯好送君春酒  
來新詩多麗則勝地有樓臺早晚行歌罷書還著  
玉杯

苗烈婦輓詩

有序

烈婦平涼人增城叅將苗公之女也年十五適  
胡其敬暮年產一子其敬卒烈婦哀毀成疾誓  
以死殉舅姑婉詞慰解勸之服藥弗從泣血七  
日竟以死

二八蛾眉女將軍掌上珍從戎來百粵挾瑟自三

秦簫史乘鸞日羅敷采葉春桃花甘短命一歿殉

良人

桃花名  
短命花

夫婿平涼至飛揚萬里鞭合歡蝴蝶洞在羅浮同夢

素馨田衛玠人看殺陶嬰自可憐孤鸞不飲啄比

翼向黃泉

阿舅羅浮令初移鮑靚家可憐勤赤子不得事丹

砂有婦爲黃鵠無兒比白華返魂終已矣洒淚滿

煙霞

猶能辭老父不忍視孤兒慷慨摩笄日從容絕藥

時無山堪共穴有樹已連枝四百峯邊石先題幼

婦辭

沉香蠟子

蠟奴何太小瓊瑤腹中來

海賦云瓊瑤腹蠟

乃是沉香作

天然六跪開持爲兒女佩

市自海南迴贈我瓊瑤

似芬芳此一枚

鄭僊州所贈

小小招潮物雕成得水沉爲憐香膽細

沉香生結者常有香

膽持入繡囊溪化石寧無命

有石蠟

銜禾亦有心紅

螺多腹汝會向萬州尋

萬州紅螺腹中亦有小螺

活結瓊南出雕鏤小似錢月

潮州人命瓊瑤日月

蛞石蠟讓貞堅膏以支黃溢香含蘭桂鮮繫將統

扇上容易美人憐

觸手香成物僭州匠最名蠟憐雙劍小

蠟有名者常以



兩螯自筐愛五銖輕紫潤含霜薄紅肥映月明閒

衛云中時把玩水族一關情

介族珍惟汝無嫌小異常秋深猶未蛻月滿正多  
黃血結疑非木斑多識是香番沉雖有此不及海  
南良

忽似真螭能乘旦暮潮為奴依海月餉客比江  
瑤精液長如濕芬馨久不消微微沾手汗更見異  
香飄

角沉憐黑潤醞釀得純陽繡面從黎女絨頭易此  
香餘閒頻作物久玩欲生光螭子雖微細為珍不  
可忘

黎地香皆降精惟一  
點凝血將紅玉  
溼氣欲紫雲  
蒸琢螭千錢得穿  
螯一縷勝侍人  
偷繫臂囊用小  
文綾

何事如金重精華  
一片含三朝親  
掌握一物足沉  
酣左氏多嬌女  
稽家有小男無  
能分與此君爲  
更居儋

初秋小集鄭儋州齋中

一葉含風去飄然  
墮酒杯病因秋  
氣減愁自雨聲  
來散帶須臨水  
鳴琴更上臺涼  
蟬有高唱天籟  
苦相催

見月有懷

知爾城南婦愁心欲寄難故將樓上鏡懸與藁砧  
看影逐天風遠光含白露寒何人見蟾兔尚忍事  
征鞍

七夕

天上惟今夜歡娛世所知終年隔河漢未夕罷機  
絲雨濕愁烏鵲雲晴見翠旗穿針有兒女悵望過  
橋時

向夕陳瓜果樓端片月新言觀渡河女因憶弄機  
人烏鵲能相助鴛鴦不自親盈盈皆一水悵望濕  
羅巾

茉莉

一樹柳州來偏宜女手栽香因人氣甚花以月明  
開作架圍藤本蒸泉入茗杯鬢邊誰不羨朵朵是  
重臺

素馨

不到花田上安知雪有香盛開宜酷日半吐在斜  
陽繞髻人人豔穿燈處處光月中持綵縷忙殺是  
珠娘

開先寺古梅

癯然雲霧窟疑是六朝僧鶴髮垂千尺苔衣覆幾  
層枯枝全化石冷燄忽銷冰慚愧春華發教人見  
古藤

病中對酒作答人

金骨不須變玉顏應自醺亂離聞道早貧賤著書  
多今我不爲樂他人亦已歌集附大招君莫放來  
往任風波

辟穀因無食非關學子房雲霞充口腹日月照肝  
腸白石元甘餌寒泉是玉漿靈龜那敢舍服氣有  
餘糧

厭服長桑藥慵看本草經無生非性命不歿豈仙  
靈酒且臨秋水琴須上翠屏自知能學易不慕古  
沉冥

蕨

莖莖拳菜好出土正春雷采采乘芽嫩遲遲恐葉  
開鮮同露葵煮香上玉盤來絕與僧厨似清齋更  
竹胎

裕林

裕林二三里掩映帶平沙煙火不知處茅茨時一  
家野衣無數葉山鬢絕多花樵路隨春草盤盤上  
嶺斜

並蒂蓮爲桂平陸明府賦

鴛鴦元共命菡萏亦同心朶朶雙頭重房房一惹  
深香薰官閣上紅映訟堂陰絕勝兩岐麥芄芄出  
桂林

瓶花

射干纔一朵瓶小不勝花剪似春羅碎翻如綵蝶  
斜白頭簪不可素手贈誰家硯側閒相映光含一

點霞

射干一名  
蝴蝶綵

瓶中白海棠

枝間開不久却與膽瓶宜豈有海棠好而兼白雪  
姿豔含膏露薄香出粉光遲異種非西蜀花翁定  
未知

蕭然

蕭然喧寂外高臥喜無人紅萼憎多豔香醪恨太  
醇寒知難至曙老欲不勝春啼殺垂楊裏流鶯汝

苦辛

初十夕

開春初十夕兒女八人齊  
火樹燒雲亂珠燈拂月  
低淵明歡稚子奉倩玩賢妻  
共作藏彊戲嬉娛到  
曙雞

春感

愁因風雨甚望暖一春心  
悲咽天何事陰寒日已  
深鶯花那自保煙草故相侵  
一自傷搖落蕭條直  
至今

開門無一可日與世情疎  
老欲慵耕硯貧猶貴賣  
書峽猿三勸後山鬼九歌  
餘情盡因衰疾枯桐恨



不如

亦知天啜泣不是雨淫淫豈有三春色都成一片  
陰衝寒花有力催曙鳥無心安得陽和滿年光儘  
意尋

年華陰雨裏春祗夢中看天豈知長夜人空苦劇  
寒花合當日恨鶯失故人歡想像芳林下風流再  
見難

春艸

雨多青艸喜春半已連天迷却王孫路萋萋又一  
年紫騮嘶未已黃蝶影無邊况有靡蕪無恨新人非  
昔年

送人往歸州

此地多文藻風流今尚存江沱騷客宅峽口美人  
村哀怨隨流水遺音在暮猿君行知有賦總是一  
招魂

自悲秋氣後搖落至于今淚下水蘋滿魂歸楓樹  
深荒淫神女賦風諫左徒心君過高唐觀風華尚  
可尋

往日湘纍返鄉人慰夢思悲涼高弟辯婉順女兄  
辭旣放何曾怨將亡惜未知汨羅誰復贈君去更  
投詩

雨夜作

風雨無朝暮鳴雞不可知天沉長夜裏人苦極寒  
時淚欲浮孤枕情終繫一絲平生無白日衰暮益  
含悲

爲尹母周夫人壽

孝廉名德在賢配復芳徽福履傳樛木詩書出絳  
幃龍孫荀氏乳鳳子鮑家衣七十如尊母還應兩  
古稀

對菊作

金錢惟有汝朶朶不曾貧但覺香清烈安知味苦  
辛秋容寒更淡晚節老逾真不是陶彭澤誰爲采  
采人

梅花 七首

梅花吾好友白首益相親歲晏無多日山空祗雨  
人光生蘿幌夜香泛藥醪春絕勝天邊雪瓊瑤總  
作塵

搖落亦未久花梅今又芳數枝已光豔一見卽清  
狂相對至斜月無眠空石牀美人憐獨立霜濕縞  
衣涼

枝已無南北冬深一一開歲寒如可再春暖不妨  
催冷艷晴逾出幽香暮更來小禽銜片片多半委  
蒼苔

不幸無霜雪炎方受命偏嚴寒元本性困苦却高

年隔歲圖孤立先春亦偶然無窮憂患意知子解相憐

病起髮全白梅花同皓然孤生霜蒂弱半槁玉顏妍濯魄當晴月吹香過暮烟無情誰似汝一朵一

瓊仙

黃落盡如此無花亦自安全生在高潔半世儘清寒詎忍吹長笛方思寄所歡枝枝真有道相賞到春殘

花少因多葉宜寒亦向陽年衰無暖日命薄只秋霜靜得香歸處愁憐影滿牀無人共幽寂留取數枝長

弱年

弱年已好道垂老未丹成  
悔別青山早徒令華髮  
生窮猿吟嘯苦饑鶴羽毛  
輕幾度思長往飄然向  
玉京